



Inatsisartut
Juliane Henningsen
Inuit Ataqatigiit
/maani

Attartortunik anisitsinermut atatillugu inisseeqqinnissamut pisussaaffeqarneq

Asasara Juliane

Aallarniutigalugu attartortunik anisitsinermut atatillugu inisseeqqinnissamut pisussaaffeqarneq pillugu apeqquteqarninnut qutsavigerusuppakkit. Siullermik apeqqutit issuarneqartassaaq, tamatumalu kingorna akissutigaa allanneqartassalluni.

1. Naalakkersuisut angerlarsimaffeqanngitsunut kommunit suleqatigalugit aaqqiissutissanik ataavartunik nassaarniarnissamut pilersaaruteqarpat?

AKISSUT: Naalakkersuisut misiligutitut Nuummi inisseeqqittarnermi aaqqiissutissamik suliaqaleruttorput, tamatumunngalu atatillugu Kommuneqarfik Sermersooq nunaminertanik atugassiinissaq il.il. pillugit oqaloqatigineqarpoq. Aaqqiissutissaq iluatsilluassappat, aaqqiissutissamik taamaattumik assingusumilluunniit illoqarfinni allani atulersitsisoqarsinnaassaaq.

2. Naalakkersuisut isumaat malillugu siunissami najugaqartut anisitaasimasut inissaqartinneqartarnissaat INI A/S-imut aammalu pisortat inissianik ingerlatseqatigiiffiutigisaannut allanut pisussaaffiulissannginnersoq ilanngullugu paaserusuppara?

AKISSUT: Naamik. Pisut amerlanersaanni attartortut tassaasarput ineqarnermut akiligassanik qaammammoortunik akiliisinnaassuseqartut, kisiannili aningaasanik siunertanut allanut atuinissamik salliutitsisartut. Attartortut isumaginninnikkut sanngitsumik inissisimasut ineqarnermi attartortunut allanut artukiinatik neqeroorutit, isumaginninnermut inatsimmi aalajangersarneqarsimasut aqutitigalugit tapersersorneqartussaapput.

Inussiarnersumik inuulluaqqusilluta

Jens B. Frederiksen

02. december 2011
Sagsnr.: 2011-058620
Dok.nr.: 775426
Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl
www.nanoq.gl